

ille toties & ore & scriptis blasphemauerat) vltionem Seruetum ad vos dignum de ipso supplicium sumpturos adduxit, cuius vel solo halitu Satan nocentissimum erroris venenum (per quod Domino nostro Iesu Christo sua veraque Deitas adimitur, id est, fidei nostrae basis conuellitur) ita quibusdam afflauit, ut ne graui quidem istius supplicio illi territi postea silerent, aut saniores essent. Nam anno M. D. LVIII. extiterunt Serueti discipuli impudentissimi, totius generis humani pestes, qui Tritheitarum errorem cum Samosatensismo & Arianismo, id est, monstra monstris cumularunt. Hi autem fuerunt Valentinus Gentilis, Georgius Blandrata & Paulus Alciatus nebulones & impostores maximi. Inter quos Valentinus deprehensus & blasphemiae suae conuictus hic palinodiam cecinit, erroremque eiu-
 ravit, sed tandem cum insaniae suae sociis non magis urbis huius aërem, quam noxii serpentes suauē balsami odorē ferre potuit. Itaque hi omnes se vestra urbe clam proripuerunt, atque etiā Valentinus ipse contra iusiurandū à se publicè datū, quò venena sua liberè expuerent, quae hic inter vos omnino & supprimi & perire oportere cernebant. Ergo cū vos tot tantisque haereson malis magna sua misericordia tā facile Dominus liberarit, ut ne exigua quidem earum semina nunc extent,